



RAKAM KENANGAN ... Peserta Kolokium Sains Pembelajaran Ke-2 merakamkan kenangan bersama panel yang dijemput khas di Dewan Delima, DeTAR Putra, UNIMAS.

21 pelajar sertai Kolokium Sains UNIMAS

KOTA SAMARAHAN, Jumaat – Fakulti Sains Kognitif dan Pembangunan Manusia (FSKPM), Universiti Malaysia Sarawak (UNIMAS) telah mengadakan Kolokium Sains Pembelajaran Ke 2 di Dewan Delima, DeTAR Putra, semalam.

Seramai 21 orang pelajar Sarjana Sains (Sains Pembelajaran) pascasiswazah (Penyelidikan) telah mengambil bahagian dalam kolokium tersebut.

Penyelidikan dan penulisan setiap peserta merangkumi perspektif pembelajaran yang terkini dan dinilai oleh sekumpulan panel yang bertauliah dalam bidang Sains Pembelajaran.

Kesemua peserta diberikan masa selama tujuh minit untuk membentangkan hasil kerja dan penyelidikan masing-masing, kemudian diteruskan dengan

sesi soal jawab bersama hadirin selama tiga minit.

Kolokium Sains Pembelajaran ini merupakan aktiviti akademik yang dianjurkan setiap semester bagi memberikan peluang kepada pelajar Sarjana Sains Pembelajaran untuk membentangkan hasil penulisan mereka.

Di samping memperkenalkan dan mempromosikan program Sarjana Sains Pembelajaran yang ditawarkan di FSKPM.

Seterusnya berfungsi sebagai platform untuk membincangkan visi baru, cabaran dan isu-isu yang berkaitan dengan Sains Pembelajaran.

Hadir sama, Naib Canselor UNIMAS, Dato' Prof Dr Mohamad Kadim Suaidi dan Penceramah Ucaptama, Prof Dato' Dr Ibrahim Bajunid.